

Հավելված N 4

ՀՀ պետական եկամուտների կոմիտեի նախագահի

«05» հունիսի 2023թ. N560-Լ հրամանի

(05100040) / (16102023) / (664)

(Փաստաթղթի համարը)

ՀՀ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ
ՀԱՐԱՎԱՅԻՆ ՄԱՔՍԱՏՈՒՆ-ՎԱՐՉՈՒԹՅՈՒՆ
(Մաքսային կանոնների խախտումը քննող ստորաբաժանման անվանումը)

Ո Ր Ո Շ ՈՒ Մ

ՎԱՐՉԱԿԱՆ ՏՈՒՅԺ ՆՇԱՆԱԿԵԼՈՒ ՄԱՍԻՆ

«16» հոկտեմբերի 2023 թ.
(ամսաթիվը)

Սիսիան-Երևան մայրուղու 7-րդ կմ
(կազմման վայրը)

Ես՝ ՀՀ պետական եկամուտների կոմիտեի
Հարավային մաքսատուն-վարչության
(ստորաբաժանման անվանումը)

ղեկավար Արտաշես Ղամբարյանս, քննելով՝ «ԱՐԵՆ-ԳՐՈՒՊ» ՍՊԸ-ի տնօրեն
Տիգրան Սլավիկի Մաթևոսյանի (նույն. քարտ՝ 006822282, էլեկտրոնային հասցե՝
tikomatevosyan.88@mail.ru)

(քննվող անձի անվանումը, կազմակերպչիրավական տեսակը, ՀՎՀՀ, պետական գրանցման/ընթացության հասցեն, փաստացի գործունեության
հասցեն / քննվող անձի անունը, ազգանունը, անձը հաստատող փաստաթղթի տվյալները)

նկատմամբ հարուցված մաքսային կանոնների խախտման վերաբերյալ գործը,

Պ Ա Ր Զ Ե Ց Ի

2023 թվականի հուլիսի 15-ին «Արեն գրուպ» ՍՊ ընկերության անվամբ
820DD08/842A01, 802DD08/819A01, 826DD08/822A01, 817DD08/813A01 և
823DD08/844A01 համարանիշներով տրանսպորտային միջոցներով Իրանի

Իսլամական Հանրապետությունից Հայաստանի Հանրապետություն է ներմուծվել՝ ըստ ուղեկցող փաստաթղթերի ընդհանուր 124,55 տոննա քաշով գազայուղ (գազոյլ) տեսակի նավթամթերք:

Հարավային մաքսատուն-վարչության Մեղրիի մաքսային կետ-բաժնում լրացվել են 05100041/150723/0032715, 05100041/150723/0032716, 05100041/150723/0032717, 05100041/150723/0032718 և 05100041/150723/0032719 տարանցման հայտարարագրերը, որոնց հիման վրա հիշյալ ապրանքը տեղափոխվել է «Հարավային տերմինալ» ՓԲԸ ժամանակավոր պահպանման պահեստ, որտեղ բեռնատարները կշռվել են բեռնված և դատարկ, ինչի արդյունքում պարզվել է որ բեռի փաստացի քաշը կազմում է 123400կգ, որը և հանձնվել է ժամանակավոր պահպանության «Հարավային տերմինալ» ՓԲԸ-ում:

2023 թվականի հուլիսի 20-ին նշված ապրանքի առնչությամբ հայտարարատուի կողմից ներկայացվել է Հայաստանի Հանրապետության Արդարադատության նախարարության «Փորձագիտական կենտրոն» ՊՈԱԿ-ի թիվ 25622304 եզրակացությունը՝ համաձայն որի նշված ապրանքը հանդիսանում է դիզելային վառելիք:

Հաշվի առնելով, որ համաձայն 25.12.2012թ. ԵՏՀ կոլեգիայի թիվ 298 որոշման՝ դիզելային վառելիքի համար մաքսային հայտարարագրի ներկայացումն ուղեկցվում է 18.10.2011թ. ԵԱՏՄ թիվ 826 որոշմամբ հաստատված 013/2011 տեխնիկական կանոնակարգի պահանջներին համապատասխանության հաստատման վերաբերյալ փաստաթղթի ներկայացմամբ՝ ներմուծված ապրանքի առնչությամբ 2023 թվականի հուլիսի 24-ին հայտարարատուի կողմից ներկայացվել է «Ստանդարտացման և չափագիտության ազգային մարմին» ՓԲԸ որոշումը (գրություն թ. 2710 առ 24.07.2023թ.) առ այն, որ արտադրանքը չի համապատասխանում «Ավտոմոբիլային և ավիացիոն բենզինի, դիզելային և նավերի վառելիքի, ռեակտիվ շարժիչների վառելիքի և մագուրի պահանջներ» տեխնիկական կանոնակարգ թիվ 013/2011-ի հավելված 3 կետ 1 (ծմբի պարունակությունը) պահանջներին: Որոշումը կայացվել է

24.07.2023 թվականի թիվ 687 փորձարկման արձանագրության հիման վրա, որից պարզվում է, որ դիզելային վառելիքի համար սահմանված մնացած բոլոր պահանջներին ապրանքը համապատասխանում է և հետևաբար հանդիսանում է դիզելային վառելիք՝ սահմանված պահանջներից բարձր ծծմբով:

Ներմուծված ապրանքի առնչությամբ 2023 թվականի օգոստոսի 21-ին հայտարարատուի կողմից մաքսային մարմին է ներկայացվել «Ստանդարտացման և չափագիտության ազգային մարմին» ՓԲԸ-ի 21.08.2023թ. թիվ 727 արձանագրությունն առ այն, որ փորձարկված նմուշը համապատասխանում է «վառելիք վառարանային կենցաղային» ՀՍ 238-2004 փոփոխություն N1, N2 աղյուսակ 1 կետեր 6, 7, 8, 15-ի պահանջներին»:

«Արեն գրուպ» ՍՊ ընկերության անվամբ 2023 թվականի օգոստոսի 23-ին ներկայացվել է թիվ 05100040/230823/0007562 ապրանքային հայտարարագիրը, և ապրանքը հայտարարագրվել է որպես «ՎԱՌԵԼԻՔ ՎԱՌԱՐԱՆԱՅԻՆ ԿԵՆՑԱԴԱՅԻՆ՝ ԾԾՄԲԻ 0.3354 ՋԱՆԳ. % ՊԱՐՈՒՆԱԿՈՒԹՅԱՄԲ»:

Մաքսային հսկողության շրջանակներում 24.08.2023 թվականին Հարավային մաքսատուն-վարչության պետի կողմից թիվ /23.1/52032-2023 գրությամբ հարցում է ուղարկվել «Ստանդարտացման և չափագիտության ազգային մարմին» ՓԲԸ տնօրենին՝ մասնավորապես նպատակ ունենալով պարզել, թե ինչով է պայմանավորված «Ստանդարտացման և չափագիտության ազգային մարմին» ՓԲԸ կողմից նույն ապրանքի նկատմամբ 2 իրար հակասող փաստաթղթերի տրամադրումը: Ի պատասխան «Ստանդարտացման և չափագիտության ազգային մարմին» ՓԲ ընկերությունը 30.08.2023 թվականի թիվ ՍՁԱՄ-1327 գրությամբ հայտնել է, որ նավթամթերքի փորձարկման լաբորատորիան տվյալ դեպքում **չի որոշել ներկայացված վառելիքի տեսակը**, այլ կատարել է հայտատուի կողմից ներկայացված նմուշի՝ վառարանային վառելիքի համար նախատեսված **մասնակի ցուցանիշներով** (խտությամբ, ծծմբի պարունակությամբ, բռնկման և պնդեցման

ջերմաստիճանի) ֆիզ.քիմ. փորձարկում ըստ ՀՍ 238-2004 ստանդարտի պահանջների:

Հատկանշական է նաև այն, որ նույն ապրանքի առնչությամբ «Ստանդարտացման և չափագիտության ազգային մարմին» ՓԲԸ կողմից տրված 24.07.2023 թվականի թիվ 687 և 21.08.2023 թվականի թիվ 727 փորձարկման արձանագրություններում նշված պարամետրերի մեջ էլ կան անհամապատասխանություններ: Օրինակ, որպես բռնկման ջերմաստիճան մի արձանագրությունում նշված է 60 C (դիզելային վառելիքի մասով), իսկ մյուսում՝ 66 C (վառարանային վառելիքի մասով): Վառարանային վառելիքի համար ՀՍ 238-2004 ստանդարտով սահմանված է 66-ից ոչ ցածր բռնկման ջերմաստիճան: Երկու դեպքում էլ ցուցանիշը որոշվել է ըստ ԳՕՍ 6356-75-ով սահմանված փորձարկման մեթոդի: Հարկ է նշել նաև, որ ԱՆ ՀՀ «Փորձագիտական կենտրոն» ՊՈԱԿ-ի կողմից տրված եզրակացությունում էլ է որպես բռնկման ջերմաստիճան նշված 66 C-ից պակաս ցուցանիշ՝ 57 և 59:

Ուսումնասիրելով «Ստանդարտացման և չափագիտության ազգային մարմին» ՓԲԸ կողմից տրված փաստաթղթերը (արձանագրություններ, գրություն, որոշում), ինչպես նաև Արդարադատության նախարարության Հայաստանի Հանրապետության «Փորձագիտական կենտրոն» ՊՈԱԿ-ի կողմից տրված փորձագիտական եզրակացությունը՝ հանգում ենք նրան, որ ապրանքը հանդիսանում է համապատասխան տեխնիկական կանոնակարգով սահմանված ծծմբի քանակից էականորեն բարձր քանակի ծծմբով դիզելային վառելիք, հետևաբար «Արեն գրուպ» ՍՊ ընկերության կողմից ներմուծված ապրանքը թիվ 05100040/230823/0007562 ապրանքային հայտարարագրով հայտարարագրվել է ոչ իր անվանմամբ, և նշված հայտարարագրում նշվել են սխալ տեղեկություններ:

Փաստի առթիվ 30.08.2023 թվականին ՀՀ ՊԵԿ ՀՄՎ ՄԳ բաժնի ավագ մաքսային տեսուչի կողմից «ԱՐԵՆ-ԳՐՈՒՊ» ՍՊԸ-ի տնօրեն Տիգրան Սլավիկի Մաթևոսյանի նկատմամբ «Մաքսային կարգավորման մասին» ՀՀ օրենքի 316-րդ

հողվածի հատկանիշներով հարուցվել է վարչական վարույթ, այն է՝ «Ապրանքները կամ տրանսպորտային միջոցները չհայտարարագրելը կամ ոչ իրենց անվանմամբ հայտարարագրելը կամ հայտարարագրում ոչ ճշգրիտ տեղեկություններ նշելը»:

«Մաքսային կարգավորման մասին» ՀՀ օրենքի 301-րդ հոդվածի համաձայն՝ «Մաքսային կանոնների խախտում է համարվում անձի կատարած անօրինական գործողությունը կամ անգործությունը, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության պետական սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենքով նախատեսված է պատասխանատվություն:

(Եվրասիական տնտեսական միության մաքսային օրենսդրության և/կամ Հայաստանի Հանրապետության օրենսդրության դրույթների խախտման՝ բացահայտված փաստերի /հատկանիշերի/ նկարագիրը՝ հղում նորմատիվ իրավական ակտի դրույթներին, որոնց պահանջները խախտվել են)

Վարչական վարույթի շրջանակներում «ԱՐԵՆ-ԳՐՈՒՊ» ՍՊԸ-ի անվամբ թիվ 05100040/230823/0007562 ապրանքների հայտարարագրով հայտարարագրված ապրանքի և փաստացի առկա ապրանքի մաքսային վճարների տարբերությունը, ապրանքի մաքսային արժեքը, ոչ սակագնային կարգավորման միջոցների կիրառման մասին տեղեկատվություն ստանալու նպատակով թիվ 827 և 864 համարների զեկուցագրերով հարցումներ են կատարվել ՀՄՎ համապատասխան ստորաբաժանմանը:

ՀՄՎ մաքսային գործառնությունների բաժնի թիվ 924 համարի տեղեկանքի համաձայն՝ թիվ 05100040/230823/0007562 ապրանքների հայտարարագրով հայտարարագրված վառարանային վառելիքի փոխարեն դիզելային վառելիքի հայտարարագրելու դեպքում դիզելային վառելիքի մաքսային արժեքը 23.08.2023 թվականի դրությամբ կազմեր 44 206 132,94 ՀՀ դրամ, իսկ մաքսային վճարների տարբերությունը կազմում է **941 784 ՀՀ դրամ**: Նույն տեղեկանքի համաձայն՝

վերոնշյալ ապրանքը ենթակա է արգելքների և սահմանափակումների կիրառման
ԵՏՄ հանձնաժողովի 18.10.2011 թվականի թիվ 826 որոշման համաձայն՝
«Ավտոմոբիլային և ավիացիոն բենզինի, դիզելային և նավերի համար նախատեսված
վառելիքին, ռեակտիվ շարժիչների համար նախատեսված վառելիքին և մագուրին
ներկայացվող պահանջների մասին ՄՄ ՏԿ 013/2011 տեխնիկական
կանոնակարգով»:

«ԱՐԵՆ-ԳՐՈՒՊ» ՍՊԸ-ի տնօրեն Տիգրան Սլավիկի Մաթևոսյանը էլեկտրոնային
փոստով պատշաճ ծանուցվել է գործի քննության օրվա և ժամի մասին, գրավոր որևէ
դիրքորոշում կամ բացատրություն չի ներկայացրել և գործի քննությանը չի
ներկայացել, և այն իրականացվել է իր բացակայությամբ:

Հաշվի առնելով այն հանգամանքը, որ «ԱՐԵՆ-ԳՐՈՒՊ» ՍՊԸ-ի կողմից ի
սկզբանե ներկայացվել է արգելքների և սահմանափակումների մասին հավաստող
տեղեկատվություն, հետևաբար այս դեպքով կիրառելի է «Մաքսային կարգավորման
մասին» ՀՀ օրենքի 316-րդ հոդվածի 3-րդ մասը:

«Մաքսային կարգավորման մասին» ՀՀ օրենքի 316-րդ հոդվածի 3-րդ մասի
համաձայն՝ «Սույն հոդվածի 1-ին մասով սահմանված արարքը, որի հետևանքով
առաջանում է մաքսային վճարների, մաքսային մարմինների կողմից գանձվող այլ
հարկերի, տուրքերի և վճարների (բացառությամբ մաքսային մարմինների կողմից
մաքսային գործառնությունների իրականացման համար գանձվող պետական
տուրքի), տուրքերի չհաշվարկում (պակաս հաշվարկում) կամ չվճարում (պակաս
վճարում)՝ հանցագործության հատկանիշների բացակայության դեպքում՝
առաջացնում է տուգանք՝ չհաշվարկված (պակաս հաշվարկված) կամ չվճարված
(պակաս վճարված) մաքսային վճարների, մաքսային մարմինների կողմից
գանձվող այլ հարկերի, տուրքերի և վճարների (բացառությամբ մաքսային
մարմինների կողմից մաքսային գործառնությունների կատարման համար
գանձվող պետական տուրքի) ընդհանուր գումարի քսան տոկոսի չափով, բայց ոչ
պակաս, քան երեսուն հազար դրամի չափով»:

(այն հանգամանքների շարադրումը, որոնք բացահայտվել են գործը քննելիս)

Հիմք ընդունելով «Մաքսային կարգավորման մասին» ՀՀ օրենքի 316-րդ հոդվածի 3-րդ մասը, 322-րդ, 334-րդ հոդվածները՝

(իրավական ակտի անվանումը, հոդվածը)

Ո Ր Ո Շ Ե Ց Ի

1. «ԱՐԵՆ-ԳՐՈՒՊ» ՍՊԸ-ի տնօրեն Տիգրան Սլավիկի Մաթևոսյանին «Մաքսային կարգավորման մասին» ՀՀ օրենքի 316-րդ հոդվածի 3-րդ մասով սահմանված մաքսային կանոնների խախտում կատարելու համար ենթարկել վարչական պատասխանատվության և տուգանել **188 360 ՀՀ դրամի** չափով/941784×20%:

(նշվում է վարչական տույժ նշանակելու մասին կայացված որոշումը)

2. «Մաքսային կարգավորման մասին» ՀՀ օրենքի 334-րդ հոդվածի 2-րդ մասի համաձայն որոշումն ուժի մեջ է մտնում այն կայացնելու պահից: «Մաքսային կարգավորման մասին» ՀՀ օրենքի 334-րդ հոդվածի 4-րդ մասի համաձայն «Վարչական տույժ նշանակելու մասին» մաքսային մարմինների որոշումը կարող է բողոքարկվել «Մաքսային ծառայության մասին» օրենքի 37-րդ հոդվածով սահմանված կարգով որոշումը ուժի մեջ մտնելու օրվանից՝ երկու ամսվա ընթացքում:

(նշվում է որոշումն ուժի մեջ մտնելու պահը, բողոքարկման ժամկետը և կարգը)

ՀՀ պետական եկամուտների կոմիտեի Հարավային մաքսատուն-վարչություն

(ստորաբաժանման անվանումը)

ղեկավար՝ Արտաշես Ղամբարյան

(անուն, ազգանուն)

(ստորագրություն)

Որոշման օրինակը _____ հավելվածներով _____ էջերի վրա ստացա.

(իրավախախտում կատարած անձի անունը, ազգանունը, հայրանունը կամ տվյալ անձի ներկայացուցչի անունը, ազգանունը, հայրանունը և լիազորությունը հաստատող փաստաթղթի տվյալները)

(ստորագրություն)

«__» _____
(որոշման օրինակի ստացման ամսաթիվը)

2023թ.

Ծանոթություն. Սույն որոշմամբ նշանակված տույժի գումարը ենթակա է վճարման Կենտրոնական գանձապետարանի №900005024055 հաշվեհամարին 30 ծածկագրով:

Սույն որոշումն անբողոքարկելի դառնալուց հետո «Վարչարարության հիմունքների և վարչական վարույթի մասին» օրենքի 88-րդ հոդվածով սահմանված կարգով և ժամկետներում ուղարկվում է Հայաստանի Հանրապետության հարկադիր կատարումն ապահովող ծառայություն:

Եթե առկա են վերցված ապրանքներ, դրանք վերադարձվում են «Մաքսային կարգավորման մասին» ՀՀ օրենքի 335-րդ հոդվածով սահմանված կարգով և ժամկետներում: